

Թէփէ լեռան, այս զառիվերին վերայ իր քաւշանով տարածուած է Սարուճէ քրդաբնակ գիւղն:

Այժմ Գալոյի ջրի խառնուրդէն բաժանուելով՝ հինգ վայրկեանի չափ կը դառնանք ի հիւսիս, այս անգամ կը բռնենք Չաթայ ջրի ձախ եզրն, կը մտնենք Չաթ գիւղն և կամ մէկ քիլոմէթր հարաւէն կանցնինք, բաժանուելով ջրէն:

Գարձեալ մեր ուղին է արևելեան հիւսիս, սակայն ցմիշտ խիստ զառիվեր մի բարձրանալու ստիպուած ենք, քերելով Աշան օղլի լեռան հարաւային կողերն, ծակ քարի մօտէն բարձրացանք մեր յիշած շղթայի վերան: Այս տեղի հարաւ՝ մեր առջև կը պարզուի ամբողջ Բագրևանդ իր լեռներով, ի հիւսիս՝ Սարը-ղամիշ, Կարս և Կաղզուան:

Տեսարանը հիանալի է, աջ ու ձախ կերևին ինձ ծանօթ հարիւրաւոր գիւղեր, լեռներ, հովիտներ:

Շեռեան ու Մուրատ Բագրևանդայ միջավայրն իրար միանալով կազմած է Մուրատ և ըստ հնոց Արածանին և դարձած է ի հարաւ, Շղթայէս բղխող տասնի չափ գետակներն ոլոր մոլոր հոսելով՝ կերթան ի հարաւ անունդ տալ Շեռեանի և Մուրատի. այս դաշտի գեղեցիկ դիրքի մէջ պսպղուն ջրերն. միանալով կենդանի պատկեր մի կը կազմեն:

Եւ միթէ պակաս տեսարան մի կը ներկայացնէ Երասխայ հովիտը: Դա մեծ սարսափելի վիշապի նման մէյ մը այս՝ մէյ մը այն լեռան ստորոտը պատած է, կը սլանայ ի հիւսիս, ի հարաւ և յարևելս, սակայն ցմիշտ իր ուղին յարևելս բռնած է, ձեղքած է ահագին սարեր, որոց միջէն որպէս բարեկամ հեղատաս կը հոսի գնաց համբուրել մի այլ սարի ոտքն, սակայն կարծես